

第一〇冊目次

大般若波羅蜜多經 六百卷(十) 唐玄奘譯

大般若波羅蜜多經卷第四百五十四 出四

大唐三藏法師 玄奘奉 詔譯

第二分增上慢品第六十之三

復次善現於意云何假使於此南瞻部洲諸有情類皆得人身得人身已發心修學諸菩薩行皆證無上正等菩提有善男子善女人

⑦ 既生於

等盡其壽量以諸世間上妙樂具供養恭敬尊重讚歎此諸如來應正等覺復持如是所集善根與諸有情平等共有迴向無上正等菩提是善男子善女人等由此因緣得福多不善現對曰甚多世尊佛告善現若善男子善女人等於大衆中宣說如是甚深般若波

羅蜜多施設建立分別開示令其易了及住如是甚深般若波羅蜜多相應作意此善男子善女人等由是因緣所獲功德甚多於前無量無數復次善現於意云何如是乃至假使三千大千世界諸有情類皆得人身得人身已發心修學諸菩薩行皆證無上正等菩

提有善男子善女人等盡其壽量以諸世間上妙樂具供養恭敬尊重讚歎此諸如來應正等覺復持如是所集善根與諸有情平等共有迴向無上正等菩提是善男子善女人等由此因緣得福多不善現對曰甚多世尊佛告善現若善男子善女人等於大衆中宣

說如是甚深般若波羅蜜多施設建立分別開示令其易了及住如是甚深般若波羅蜜多相應作意此善男子善女人等由是因緣所獲功德甚多於前無量無數復次善現於意云何假使於此南瞻部洲諸有情類非前非後皆得人身有善男子善女人等方便教導皆令安住十善業道或四靜慮或四無量或四無色定或五神通或預流果或一來果或不還果或阿羅漢果或獨覺菩提或復無上正等菩提復持如是教導善根與諸有情平等共有迴向無上正等菩提是善男子善女人等由此因緣得福多不善現對曰甚多

世尊佛告善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於前無量無數復次善現於意云何如是乃至假使三千大千世界諸有情類

世

二

非前非後皆得人身有善男子善女人等方便教導皆令安住十善業道或四靜慮或四無量或四無色定或五神通或預流果或一來果或不還果或阿羅漢果或獨覺菩提或復無上正等菩提復持如是教導善根與諸有情平等共有迴向無上正等菩提是善男

子善女人等由此因緣得福多不善現對曰甚多世尊佛告善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於前無量無數善現當知是

菩薩摩訶薩由此精進增上威力到諸有清福田彼岸所以者何是菩薩摩訶薩於法精進增上威力一切有情無能及者唯除如來應正等覺何以故善現是菩薩摩訶薩修行般若波羅蜜多見諸有情無利樂者起大慈心非諸聲聞獨覺所得見諸有情有衰苦者

起大悲心非諸聲聞獨覺所得見諸有情得利樂者起大喜心非諸聲聞獨覺所得見諸有情離性離相起大捨心非諸聲聞獨覺所得善現是菩薩摩訶薩雖於有情平等發起大慈大悲大喜大捨而於一切無所執著不同異生聲聞獨覺隨有所得起執著心善現

世

三

是菩薩摩訶薩雖於有情平等發起慈悲喜捨然與捨心非恒共住常爲饒益所化有情無暫捨故善現是菩薩摩訶薩修行般若波羅蜜多得大光明謂得布施波羅蜜多大光明故亦得淨戒波羅蜜多大光明故亦得安忍波羅蜜多大光明故亦得精進波羅蜜多

大光明故亦得靜慮波羅蜜多大光明故亦得般若波羅蜜多大光明故善現是菩薩摩訶薩雖未證得一切智智而於無上正等菩提得不退轉故至有情福田彼岸堪受一切衣服飲食牀座醫藥諸資生具善現是菩薩摩訶薩恒住般若波羅蜜多相應作意故能

畢竟報施主恩亦能親近一切智智是故善現若菩薩摩訶薩欲不虛受國王大臣及餘有情所有信施欲示有情真淨道路欲為有情作大明照欲脫有情三界牢獄欲施有情清淨法眼欲拔有情出生死海欲與有情作大洲渚欲惠有情究竟安樂應常安住甚深

般若波羅蜜多相應作意善現若菩薩摩訶薩能常安住甚深般若波羅蜜多相應作意諸有所說皆說般若波羅蜜多相應之法既說般若波羅蜜多相應法已復能如理思惟般若波羅蜜多相應之法善現是菩薩摩訶薩恒住般若波羅蜜多相應作意諸餘作意

於其中間無容暫起善現是菩薩摩訶薩晝夜精進安住般若波羅蜜多相應作意無時暫捨譬如有人先未曾有末尼珠寶後時遇得歡喜自慶藏固不謹遇緣還失生大愁憂常懷歎惜未曾離念思當何計還得此珠彼人由是相應作意緣此寶珠不離心首諸菩

薩摩訶薩亦復如是恒時安住甚深般若波羅蜜多相應作意若離般若波羅蜜多相應作意則為喪失一切智智相應作意是故善現諸菩薩摩訶薩應常安住甚深般若波羅蜜多相應作意若常安住甚深般若波羅蜜多相應作意則不喪失一切智智相應作意

亦時具壽善現白佛言世尊一切作意自性皆空一切作意自性皆離諸法亦亦於一切法皆自性空自性離中若菩薩摩訶薩若般若波羅蜜多若一切智智若諸作意皆不可得云何如來應正等覺勸諸菩薩摩訶薩衆不離般若波羅蜜多相應作意亦令不離一

切智智相應作意佛告善現若菩薩摩訶薩知一切法一切作意皆自性空皆自性離如是空離非聲聞作非獨覺作非菩薩作非如來作亦非餘作然一切法法定法住法性法界不虛妄性不變異性平等性離生性虛空界真如實際不思議界法亦常住是菩薩摩

訶薩即為不離甚深般若波羅蜜多相應作意亦為不離一切智智相應作意所以者何甚深般若波羅蜜多一切智智及諸作意皆自性空皆自性離如是空離無增無減能正通達名為不離具壽善現復白佛言若深般若波羅蜜多亦自性空自性離者云何菩薩

訶薩眾修證般若波羅蜜多平等性已便得無上正等菩提佛告善現諸菩薩摩訶薩修證般若波羅蜜多平等性時非諸佛法有增有減亦非諸法法定法住法性法界不虛妄性不變異性平等性離生性虛空界真如實際不思議界有增有減何以故甚深般若波

羅蜜多非一非二非三非四亦非多故善現若菩薩摩訶薩聞說如是甚深般若波羅蜜多其心不驚不恐不怖不沉不沒亦不生疑是菩薩摩訶薩行深般若波羅蜜多已得究竟安住菩薩不退轉地疾證無上正等菩提普為有情作大饒益亦時具壽善現復白佛

言世尊為即深般若波羅蜜多空虛非有不自在性不堅實性能行深般若波羅蜜多不亦善現世尊為離深般若波羅蜜多空虛非有不自在性不堅實性能行深般若波羅蜜多不亦善現世尊為即深般若波羅蜜多能行深般若波羅蜜多不亦

善現世尊為離深般若波羅蜜多有法可得能行深般若波羅蜜多不亦善現世尊為即空性能行空不亦善現世尊為離空性能有法可得能行空不亦善現世尊為即色受想行識能行深般若波羅蜜多不亦善現世尊為離色受想行識有法可得能行深

般若波羅蜜多不不介善現世尊為即眼處
乃至意處能行深般若波羅蜜多不不介
善現世尊為離眼處乃至意處有法可得能
行深般若波羅蜜多不不介善現世尊為即
色處乃至法處能行深般若波羅蜜多不不
介善現世尊為離色處乃至法處有法可得

能行深般若波羅蜜多不不介善現世尊為
即眼界乃至意界能行深般若波羅蜜多不
不介善現世尊為離眼界乃至意界有法可
得能行深般若波羅蜜多不不介善現世尊
為即色界乃至法界能行深般若波羅蜜多
不不介善現世尊為離色界乃至法界有法

可得能行深般若波羅蜜多不不介善現世
尊為即眼識界乃至意識界能行深般若波
羅蜜多不不介善現世尊為離眼識界乃至
意識界有法可得能行深般若波羅蜜多不
不介善現世尊為即眼觸乃至意觸能行深
般若波羅蜜多不不介善現世尊為離眼觸

出四

六

乃至意觸有法可得能行深般若波羅蜜多
不不介善現世尊為即眼觸為緣所生諸受
乃至意觸為緣所生諸受能行深般若波羅
蜜多不不介善現世尊為離眼觸為緣所生
諸受乃至意觸為緣所生諸受有法可得能
行深般若波羅蜜多不不介善現世尊為即

地界乃至識界能行深般若波羅蜜多不不
介善現世尊為離地界乃至識界有法可得
能行深般若波羅蜜多不不介善現世尊為
即因緣乃至增上緣能行深般若波羅蜜多
不不介善現世尊為離因緣乃至增上緣有
法可得能行深般若波羅蜜多不不介善現

世尊為即無明乃至老死能行深般若波羅
蜜多不不介善現世尊為離無明乃至老死
有法可得能行深般若波羅蜜多不不介善
現世尊為即布施波羅蜜多乃至般若波羅
蜜多能行深般若波羅蜜多不不介善現世
尊為離布施波羅蜜多乃至般若波羅蜜多

有法可得能行深般若波羅蜜多不不_出善現_七世尊為即內空乃至無性自性空能行深般若波羅蜜多不不_出善現世尊為離內空乃至無性自性空有法可得能行深般若波羅蜜多不不_出善現世尊為即真如乃至不思議界能行深般若波羅蜜多不不_出善現

世尊為離真如乃至不思議界有法可得能行深般若波羅蜜多不不_出善現世尊為即苦集滅道聖諦能行深般若波羅蜜多不不_出善現世尊為離苦集滅道聖諦有法可得能行深般若波羅蜜多不不_出善現世尊為即四靜慮四無量四無色定能行深般若波

羅蜜多不不_出善現世尊為離四靜慮四無量四無色定有法可得能行深般若波羅蜜多不不_出善現世尊為即八解脫乃至十遍處能行深般若波羅蜜多不不_出善現世尊為離八解脫乃至十遍處有法可得能行深般若波羅蜜多不不_出善現世尊為即四念

住乃至八聖道支能行深般若波羅蜜多不不_出善現世尊為離四念住乃至八聖道支有法可得能行深般若波羅蜜多不不_出善現世尊為即空無相無願解脫門能行深般若波羅蜜多不不_出善現世尊為離空無相無願解脫門有法可得能行深般若波羅蜜

多不不_出善現世尊為即淨觀地乃至如來地能行深般若波羅蜜多不不_出善現世尊為離淨觀地乃至如來地有法可得能行深般若波羅蜜多不不_出善現世尊為即極喜地乃至法雲地能行深般若波羅蜜多不不_出善現世尊為離極喜地乃至法雲地有法

可得能行深般若波羅蜜多不不_出善現世尊為即一切陀羅尼門三摩地門能行深般若波羅蜜多不不_出善現世尊為離一切陀羅尼門三摩地門有法可得能行深般若波羅蜜多不不_出善現世尊為即五眼六神通能行深般若波羅蜜多不不_出善現世尊為

離五眼六神通有法可得能行深般若波羅蜜多不不尔善現世尊為即如來十力乃至十八佛不共法能行深般若波羅蜜多不不尔善現世尊為離如來十力乃至十八佛不共法有法可得能行深般若波羅蜜多不不尔善現世尊為即三十二相八十隨好能行

深般若波羅蜜多不不尔善現世尊為離三十二相八十隨好有法可得能行深般若波羅蜜多不不尔善現世尊為即無忘失法恒住捨性能行深般若波羅蜜多不不尔善現世尊為離無忘失法恒住捨性能行深般若波羅蜜多不不尔善現世尊為即

預流果乃至獨覺菩提能行深般若波羅蜜多不不尔善現世尊為離預流果乃至獨覺菩提有法可得能行深般若波羅蜜多不不尔善現世尊為即一切菩薩摩訶薩行諸佛無上正等菩提能行深般若波羅蜜多不不尔善現世尊為離一切菩薩摩訶薩行諸佛

無上正等菩提有法可得能行深般若波羅蜜多不不尔善現世尊為即一切智道相智一切相智能行深般若波羅蜜多不不尔善現世尊為離一切智道相智一切相智有法可得能行深般若波羅蜜多不不尔善現世尊為即色受想行識空虛非有不自在性不

堅實性能行深般若波羅蜜多不不尔善現世尊為離色受想行識空虛非有不自在性不堅實性能行深般若波羅蜜多不不尔善現世尊為如是乃至為即一切智道相智一切相智空虛非有不自在性不堅實性能行深般若波羅蜜多不不尔善現世尊

為離一切智道相智一切相智空虛非有不自在性不堅實性能行深般若波羅蜜多不不尔善現世尊為即色受想行識真如法界法性不虛妄性不變異性平等性離生性法定法住實際虛空界不思議界能行深般若波羅蜜多不不尔善現世尊為離

色受想行識真如法界法性不虛妄性不變異性平等性離生性法定法住實際虛空界不思議界有法可得能行深般若波羅蜜多不不介善現世尊如是乃至爲即一切智道相智一切相智真如法界法性不虛妄性不變異性平等性離生性法定法住實際虛空

界不思議界能行深般若波羅蜜多不不介善現世尊爲離一切智道相智一切相智真如法界法性不虛妄性不變異性平等性離生性法定法住實際虛空界不思議界有法可得能行深般若波羅蜜多不不介善現世尊若如是諸法皆不能行深般若波羅蜜多

諸菩薩摩訶薩云何能行深般若波羅蜜多佛告善現於意云何汝見有法能行深般若波羅蜜多不善現對曰不也世尊佛告善現於意云何汝見深般若波羅蜜多是菩薩摩訶薩所行處不善現對曰不也世尊佛告善現於意云何汝所不見法是法可得不善現

對曰不也世尊佛告善現於意云何不可得法有生滅不善現對曰不也世尊佛告善現如汝所見諸法法性即是菩薩摩訶薩衆無生法忍若菩薩摩訶薩成就如是無生法忍便爲諸佛授與無上正等菩提不退轉記是菩薩摩訶薩於佛十力四無所畏四無礙解

大慈大悲大喜大捨及十八佛不共法等無量無邊殊勝功德號能精進如實行者若能如是精進修行不退無上正等菩提一切相智大智妙智無有是處所以者何是菩薩摩訶薩既已證得無生法忍乃至無上正等菩提於所得法常無退減具壽善現復白佛言

出四

世尊諸菩薩摩訶薩爲以一切法無生性得佛無上正等菩提不退轉記不不介善現世尊諸菩薩摩訶薩爲以一切法生性得佛無上正等菩提不退轉記不不介善現世尊諸菩薩摩訶薩爲以一切法生無生性得佛無上正等菩提不退轉記不不介善現世尊諸

菩薩摩訶薩爲以一切法非生非無生性得佛無上正等菩提不退轉記不亦善現也尊若尔云何諸菩薩摩訶薩得佛無上正等菩提不退轉記佛告善現於意云何汝見有法能得佛無上正等菩提不退轉記不善現對曰不也世尊我不見有法能得佛無上正

等菩提不退轉記亦不見法於佛無上正等菩提有能證者證處證時及由此證皆不可得佛告善現如是如是如汝所說善現若菩薩摩訶薩於一切法無所得時不作是念我於無上正等菩提當能證得我用是法於是時於如是處證得無上正等菩提所以者

何善現諸菩薩摩訶薩修行如是甚深般若波羅蜜多無如是等一切分別何以故善現甚深般若波羅蜜多一切分別皆遠離故若起如是種種分別非行般若波羅蜜多

第二分同學品第六十一之一

尔時天帝釋白佛言世尊如是般若波羅蜜

出四

十一

多極爲甚深難見難覺不可尋思過尋思境微密聰敏智者所證諸相分別畢竟離故世尊若善男子善女人等於此般若波羅蜜多甚深經典常樂聽聞受持讀誦究竟通利如理思惟依教修行爲他正說乃至無上正等菩提不雜諸餘心心所法是善男子善女人

等非爲成就少分善根可於是中能辦斯事尔時佛告天帝釋言如是如是如汝所說憍尸迦若善男子善女人等於此般若波羅蜜多甚深經典常樂聽聞受持讀誦究竟通利如理思惟依教修行爲他正說乃至無上正等菩提不雜諸餘心心所法是善男子善女

人等必定成就廣大善根當於是中能辦斯事憍尸迦若善男子善女人等假使能勸此瞻部洲乃至三千大千世界諸有情類皆令受行十善業道若四靜慮若四無量若四無色定若五神通等無量功德有善男子善女人等於此般若波羅蜜多甚深經典常樂聽

聞受持讀誦究竟通利如理思惟依教修行
爲他正說是善男子善女人等所獲功德勝
前福聚百倍千倍乃至鄔波尼殺曇倍
尔時衆中有一苾芻語天帝釋言憍尸迦若
善男子善女人等於此般若波羅蜜多甚深
經典攝心不亂常樂聽聞受持讀誦究竟通

利如理思惟依教修行爲他正說乃至無上
正等菩提不雜諸餘心心所法是善男子善
女人等所獲功德勝瞻部洲乃至三千大千
世界諸有情類皆共受行十善業道若四靜
慮若四無量若四無色定若五神通等無量
功德天帝釋言是善男子善女人等初發一

念一切相智相應心時所獲功德已勝一切
滿瞻部洲乃至三千大千世界諸有情類皆
共受行十善業道若四靜慮若四無量若四
無色定若五神通等無量功德多百千倍何
況復能於此般若波羅蜜多甚深經典攝心
不亂常樂聽聞受持讀誦究竟通利如理思

出四

十二

惟依教修行爲他正說乃至無上正等菩提
不雜諸餘心心所法所獲功德不可校量苾
芻當知是善男子善女人等功德智慧非但
勝彼滿瞻部洲乃至三千大千世界諸有情
類皆共受行十善業道四靜慮等無量功德
亦勝一切世間天人阿素洛等所有功德所

以者何是善男子善女人等速證無上正等
菩提饒益有情無邊際故苾芻當知是善男
子善女人等功德智慧非但勝於世間天人
阿素洛等所有功德亦勝一切預流一來不
還阿羅漢獨覺所有功德所以者何是善男
子善女人等速證無上正等菩提饒益有情

無邊際故苾芻當知是善男子善女人等功
德智慧非但勝彼一切預流一來不還阿羅
漢獨覺所有功德亦勝一切菩薩摩訶薩遠
離般若波羅蜜多方便善巧修行布施淨戒
安忍精進靜慮波羅蜜多安住內空乃至無
性自性空安住真如乃至不思議界安住苦

集滅道聖諦修行四靜慮四無量四無色定
修行八解脫八勝處九次第定十遍處修行
四念住乃至八聖道支修行空無相無願解
脫門修行極喜地乃至法雲地修行一切陀
羅尼門三摩地門修行五眼六神通修行如
來十力乃至十八不共法修行無忘失法

出四

十三

恒住捨性修行一切智道相智一切相智修
行順逆十二緣起觀嚴淨佛土成熟有情修
諸菩薩摩訶薩行及修無上正等覺者所有
功德何以故是善男子善女人等速證無上
正等菩提饒益有情無邊際故苾芻當知是
善男子善女人等功德智慧亦勝一切菩薩

摩訶薩遠離方便善巧修行般若波羅蜜多
者所有功德何以故是善男子善女人等速
證無上正等菩提饒益有情無邊際故苾芻
當知是善男子善女人等即是菩薩摩訶薩
是菩薩摩訶薩如說修行甚深般若波羅蜜
多故不爲一切世間天人阿素洛等及餘菩

薩獨覺聲聞之所勝伏能紹一切智智種性
今不斷絕常不遠離諸佛菩薩真勝善友不
久當坐妙菩提座降伏一切惡魔眷屬證得
無上正等菩提拔諸有情生老病死令得究
竟寂靜安樂苾芻當知是菩薩摩訶薩如說
修行甚深般若波羅蜜多故常學菩薩摩訶

薩衆所應學法不學聲聞及獨覺等所應學
法苾芻當知是菩薩摩訶薩修行如是甚深
般若波羅蜜多常學菩薩摩訶薩衆所應學
故護世四王領已天衆來到其所供養恭敬
尊重讚歎作如是言善哉大士當速精進學
諸菩薩摩訶薩衆所應學法勿學聲聞及獨

覺等所應學法若如是學疾當安坐妙菩提
座證得無上正等菩提如先如來應正等覺
受四天王所奉四鉢汝亦當受如昔護世四
大天王奉上四鉢我亦當奉苾芻當知是菩
薩摩訶薩修行如是甚深般若波羅蜜多常
學菩薩摩訶薩衆所應學故我等天帝領已

天衆來到其所供養恭敬尊重讚歎作如是言善哉大士當速精進修諸菩薩摩訶薩衆所應學法勿學聲聞及獨覺等所應學法若如是學疾當安坐妙菩提座證得無上正等菩提轉妙法輪度有情衆苾芻當知是菩薩摩訶薩修行如是甚深般若波羅蜜多常學

十四

十四

菩薩摩訶薩衆所應學故妙時分天子領時分天衆來到其所供養恭敬尊重讚歎作如是言善哉大士當速精進學諸菩薩摩訶薩衆所應學法勿學聲聞及獨覺等所應學法若如是學疾當安坐妙菩提座證得無上正等菩提轉妙法輪度有情衆苾芻當知是菩

薩摩訶薩修行如是甚深般若波羅蜜多常學菩薩摩訶薩衆所應學故妙喜足天子領喜足天衆來到其所供養恭敬尊重讚歎作如是言善哉大士當速精進學諸菩薩摩訶薩衆所應學法勿學聲聞及獨覺等所應學法若如是學疾當安坐妙菩提座證得無上

正等菩提轉妙法輪度有情衆苾芻當知是菩薩摩訶薩修行如是甚深般若波羅蜜多常學菩薩摩訶薩衆所應學故樂變化天子領樂變化天衆來到其所供養恭敬尊重讚歎作如是言善哉大士當速精進學諸菩薩摩訶薩衆所應學法勿學聲聞及獨覺等所

應學法若如是學疾當安坐妙菩提座證得無上正等菩提轉妙法輪度有情衆苾芻當知是菩薩摩訶薩修行如是甚深般若波羅蜜多常學菩薩摩訶薩衆所應學故妙自在天子領他化自在天衆來到其所供養恭敬尊重讚歎作如是言善哉大士當速精進學

十四

十五

諸菩薩摩訶薩衆所應學法勿學聲聞及獨覺等所應學法若如是學疾當安坐妙菩提座證得無上正等菩提轉妙法輪度有情衆苾芻當知是菩薩摩訶薩修行如是甚深般若波羅蜜多常學菩薩摩訶薩衆所應學故索訶界主大梵天王領梵衆天梵輔天梵會

天衆來到其所供養恭敬尊重讚歎作如是言善哉大士當速精進學諸菩薩摩訶薩衆所應學法勿學聲聞及獨覺等所應學法若如是學疾當安坐妙菩提座證得無上正等菩提我當往詣菩提樹下慇懃請轉無上法輪利樂無邊諸有情衆苾芻當知是菩薩摩

訶薩修行如是甚深般若波羅蜜多常學菩薩摩訶薩衆所應學故極光淨天與光天少光天無量光天衆來到其所供養恭敬尊重讚歎遍淨天與淨天少淨天無量淨天衆來到其所供養恭敬尊重讚歎廣果天與廣天少廣天無量廣天衆來到其所供養恭敬尊重讚歎色究竟天與無煩天無熱天善現天善見天衆來到其所供養恭敬尊重讚歎各作是言善哉大士當速精進學諸菩薩摩訶薩衆所應學法勿學聲聞及獨覺等所應學法若如是學疾當安坐妙菩提座證得無上正等菩提轉妙法輪度有情衆苾芻當知是

菩薩摩訶薩如說修行甚深般若波羅蜜多故一切如來應正等覺及諸菩薩摩訶薩衆并諸天龍阿素洛等常隨護念由此因緣是菩薩摩訶薩世間一切險難危厄身心憂苦皆不能害苾芻當知是菩薩摩訶薩如說修行甚深般若波羅蜜多故世間所有四大相

違所起諸病皆不侵惱所謂眼病耳病鼻病舌病身病諸支節病如是一切四百四病皆於身中求無所有唯除重業轉現輕受苾芻當知是菩薩摩訶薩如說修行甚深般若波羅蜜多故獲如是等現世功德後世功德無量無邊諸佛世尊能知見覺

十六末

大般若波羅蜜多經卷第四百五十四 出四

大般若波羅蜜多經卷第四百五十五 出五

大唐三藏法師 玄奘奉 詔譯

第二分同學品第六十一之二

今時具壽慶喜竊作是念今天帝釋爲自辯才宣說如是甚深般若波羅蜜多讚歎如是甚深般若波羅蜜多功德勝利爲是如來威

一 陳

神之力時天帝釋即知慶喜心之所念白言大德我所宣說甚深般若波羅蜜多我所讚歎甚深般若波羅蜜多功德勝利皆是如來威神之力今時世尊告慶喜曰如是如是今天帝釋宣說讚歎甚深般若波羅蜜多功德勝利當知皆是如來神力非自辯才所以者

何甚深般若波羅蜜多功德勝利定非一切世間天人阿素洛等能知能說慶喜當知若菩薩摩訶薩習學思惟修行如是甚深般若波羅蜜多時此三千大千世界一切惡魔皆生疑惑咸作是念此菩薩摩訶薩爲證實際退取預流一來不還阿羅漢果獨覺菩提爲

趣無上正等菩提復次慶喜若菩薩摩訶薩不離如是甚深般若波羅蜜多時諸惡魔生大愁惱身心痛切如中毒箭復次慶喜若菩薩摩訶薩修行如是甚深般若波羅蜜多時諸惡魔來至其所化作種種可怖畏事欲令菩薩身心驚恐迷失無上正等覺心於所修

行情懷退屈乃至發起一念亂意障得無上正等菩提是彼惡魔深心所願今時慶喜即白佛言爲諸菩薩摩訶薩行深般若波羅蜜多時皆爲惡魔之所惱亂爲有惱亂不惱亂者佛告慶喜非諸菩薩摩訶薩行深般若波羅蜜多時皆爲惡魔之所惱亂然有惱亂不

惱亂者具壽慶喜復白佛言何等菩薩摩訶薩行深般若波羅蜜多時爲諸惡魔之所惱亂何等菩薩摩訶薩行深般若波羅蜜多時不爲惡魔之所惱亂佛告慶喜若菩薩摩訶薩先世聞此甚深般若波羅蜜多心不信解毀訾誹謗是菩薩摩訶薩行深般若波羅蜜

多時爲諸惡魔之所惱亂若菩薩摩訶薩先
世聞此甚深般若波羅蜜多信解讚美不生
誹謗是菩薩摩訶薩行深般若波羅蜜多時
不爲惡魔之所惱亂復次慶喜若菩薩摩訶
薩先世聞此甚深般若波羅蜜多疑惑猶豫
爲有爲無爲實不實是菩薩摩訶薩行深般若

出五

二

若波羅蜜多時爲諸惡魔之所惱亂若菩薩
摩訶薩先世聞此甚深般若波羅蜜多其心
不生疑惑猶豫信定實有是菩薩摩訶薩行
深般若波羅蜜多時不爲惡魔之所惱亂復
次慶喜若菩薩摩訶薩離善知識爲惡知識
之所攝受不聞如是甚深般若波羅蜜多由

不聞故不能解了甚深般若波羅蜜多不解
了故不能修習甚深般若波羅蜜多不修習
故不能請問甚深般若波羅蜜多不請問故
不如說行甚深般若波羅蜜多不如說行故
不能證得甚深般若波羅蜜多是菩薩摩訶
薩行深般若波羅蜜多時爲諸惡魔之所惱

亂若菩薩摩訶薩近善知識非惡知識之所
攝受得聞如是甚深般若波羅蜜多由得聞
故便能解了甚深般若波羅蜜多由解了故
則能修習甚深般若波羅蜜多由修習故便
能請問甚深般若波羅蜜多由請問故能如
說行甚深般若波羅蜜多如說行故便能證

得甚深般若波羅蜜多是菩薩摩訶薩行深
般若波羅蜜多時不爲惡魔之所惱亂復次
慶喜若菩薩摩訶薩遠離般若波羅蜜多攝
受讚歎非真妙法是菩薩摩訶薩行深般若
波羅蜜多時爲諸惡魔之所惱亂若菩薩摩
訶薩親近般若波羅蜜多不攝不讚非真妙

出五

三

法是菩薩摩訶薩行深般若波羅蜜多時不
爲惡魔之所惱亂復次慶喜若菩薩摩訶薩
遠離般若波羅蜜多於真妙法毀訾誹謗亦
時惡魔便作是念今此菩薩與我爲伴由彼
毀謗真妙法故便有無量住菩薩乘補特伽
羅於真妙法亦生毀謗由此因緣我願圓滿

是菩薩乘補特伽羅設勤精進修諸善法而隨聲聞或獨覺地亦令他墮是菩薩摩訶薩行深般若波羅蜜多時為諸惡魔之所惱亂若菩薩摩訶薩親近般若波羅蜜多於真妙法讚歎信受亦令無量住菩薩乘補特伽羅於真妙法讚歎信受由此惡魔愁憂驚怖是

菩薩乘補特伽羅設不精進修諸善法而亦決定不令自他退墮隨聲聞或獨覺地必證無上正等菩提是菩薩摩訶薩行深般若波羅蜜多時不為惡魔之所惱亂復次慶喜若菩薩摩訶薩聞說般若波羅蜜多甚深經時作如是語如是般若波羅蜜多理趣甚深難見

難覺何用宣說聽聞受持讀誦思惟精勤修習書寫流布此經典為我尚不能得其源底況餘薄福淺智者哉時有無量住菩薩乘補特伽羅聞其所說心皆驚怖便退無上正等覺心墮二乘地是菩薩摩訶薩行深般若波羅蜜多時為諸惡魔之所惱亂若菩薩摩訶

薩聞說般若波羅蜜多甚深經時作如是語如是般若波羅蜜多理趣甚深難見難覺若不宣說聽聞受持讀誦思惟精勤修習書寫流布能證無上正等菩提必無是處時有無量住菩薩乘補特伽羅聞其所說歡喜踊躍皆於如是甚深般若波羅蜜多常樂聽聞受

持讀誦究竟通利如理思惟精進修行為他演說書寫流布發趣無上正等菩提是菩薩摩訶薩行深般若波羅蜜多時不為惡魔之所惱亂復次慶喜若菩薩摩訶薩恃已所有功德善根輕餘菩薩摩訶薩眾謂作是言我能修行布施波羅蜜多乃至般若波羅蜜多

出五

四

汝等不能我能安住內空乃至無性自性空汝等不能我能安住真如乃至不思議界汝等不能我能安住苦集滅道聖諦汝等不能我能修行四念住乃至八聖道支汝等不能我能修行四靜慮四無量四無色定汝等不能我能修行八解脫乃至十遍處汝等不能